



## Lā Fakatufono 2020

ma e

### Tau Tonuhia mo e tau Fakatāaga mae tau Hukui he Matakau Green Climate Fund kua gahua i Niue

Numela 2020/05

#### Veheveheaga

1	Matahigoa	1
2	Kamataaga	1
	<i>Tau tauteuteaga fakamua</i>	
3	Fakamaamaaga	1
	<i>Ko e tau mena kua atāina ke taute ha ko e kotofo, tau matafakatufono motu ne nakai lago ki luga he fekafekauaga, mo e malolō katoatoa he Matakau Green Climate Fund</i>	
4	Kua tonuhia ke fakahao mai he tau Fakafiliaga	2
5	Levekiaga mo e puipui he matakavi kua toka ki ai e tau faila mo e tau gahua mahuiga	2
6	Fakahaoaga he tau vahega koloa mai he tau matafakatufono he motu	2
7	Fakaatāaga mai he tau tukupau ka e nakai putoia e tukupau he tau koloa fakatau mai fafo he motu	2
8	Fakaatāaga mai he tukupau he tau koloa tamai i fafo he motu	2
9	Fakaatāaga mai he tau puipuiaga he tau koloa tamai ke he motu po ke tau koloa ka taatu ke he tau motu kehe	2
10	Mailogaaga he Tonuhia he Matakau Green Climate Fund	2
	<i>Tau Tonuhia mo e tau Fakaatāaga he tau Hukui mo e tau tagata gahua he Matakau Green Climate Fund</i>	
11	Tau Tonuhia mo e tau fakaatāaga fakamahino ni mae falu a tau Hukui mo e tau tagata gahua he Matakau Green Climate Fund	2

Ke muiua ke he Matakupu 9 he Fakatufono-tohi he 1968 ke lata mo e Tonuhia ke he tau Fakaatāina mo e Puipuiaga he Hukui he ha Kautū mo e ha Matakau he Lalolagi kua fai Maveheaga fakafetui mo e taha Kautū, kua fakamooli he Fono Ikipule e Lā Fakatufono nai-

#### 1 Matahigoa

Ko e tau Lā Fakatufono nai ne fakahigoa ko e Tau Tonuhia mo e tau Fakaatāaga mae tau Hukui he Matakau Green Climate Fund kua gahua i Niue.

**Lā Fakatufono 2020 ma e Tau Tonuhia mo e tau Fakatāaga mae tau Hukui he Matakau Green Climate Fund kua gahua i Niue**

**2 Kamataaga**

To fakagahua e tau lā Fakatufono nai he aho ka mole e fakakatoatoaaga he tau tauteaga ke muihua atu ke he tau poakiaga he Matakupu 13 he Tohi Fakavē ha Niue.

*Tau Tauteaga Fakamua*

**3 Fakamaamaaga**

Ke lata mo e iloaaga laulahi he lā Fakatufono nai, **Ko e Matakau Green Climate Fund**, kakano ko e matakau ne kua fakatū i lalo hifo he tau tāpikiaga he Maveheaga Fakagahua he United Nation Framework Convention on Climate Change (UNFCCC)

*Ko e tau mena kua atāina ke taute ha ko e kotofa, tau matafakatufono motu ne nakai lago ki luga he fekafekauaga, mo e malolō katoatoa he Matakau Green Climate Fund.*

**4 Kua tonuhia ke fakahao mai he tau Fakafiliaga**

Kua hā hā he Matakau Green Climate Fund e tonuhia ke fakahao mai he tau hokotaki faka-agahala mo e tauteaga he Fakafiliaga, pete ia to nakai fakagahua e fakahaoaga tonuhia ia ke he falu a agahala.

**5 Levekiaga mo e puipui he matakavi kua toka ki ai e tau faila mo e tau gahua mahuiga**

Ko e tau kaina mo e fale gahua he Matakau Green Climate Fund mo e tau fakamauaga gahua tokamau kua amanaki ke fakakite e mahani maimainā mo e nakai fakahanoa ke fakatatai atu ke he kaina mo e gahuaaaga he Hukui he Fakatufono he taha Kautū.

**6 Fakahaoaga he tau vahega koloa mai he tau matafakatufono he motu**

Ko e tau kaina mo e tau koloa he Matakau Green Climate Fund kua nakai lago ki luga ha matafakatufono he motu he ha matakavi ne toka ai po ke ha tagata ne toka ai, mai he ha kumikumiaga, utakeheaga he malolō he Fakatufono, uta kehe ke fakaaoga he taha mena kehe, po ke ha puhala fakatauhele.

**7 Fakaatāaga mai he tau tukupau ka e nakai putoia e tukupau he tau koloa fakatau mai fafo he motu**

Ko e Matakau Green Climate Fund to fakaatā mai he tau vahega tukupau mo e falu tupe totogi foki he motu, ka e nakai putoia e tau koloa ne tamai i fafo he motu, tuga ne fakatoka ke lata mo e ha Hukui Fakatufono mai he taha Kautū.

**8 Fakaatāaga mai he tukuhau he tau koloa tamai i fafo he motu**

Ko e Matakau Green Climate Fund to fakaatā mai he totogi tukuhau he tau koloa he Matakau ne tamai he tau motu kehe ke lata mo e tau gahua ha lautolu i Niue, po ke taatu ke he tau motu kehe, po ke tau tohi lolomi he Matakau ne tamai fakahako e lautolu ke he motu, ka e to kitekite e Ikipule he Faahi Gahua Kasitamu po kua lata nakai ke totogi tukuhau ha ko e tau fakatokaaga ke lata mo e tau tupe moua he Kautū.

**9 Fakaatāaga mai he tau puipuiaga he tau koloa tamai ke he motu po ke tau koloa ka taatu ke he tau motu kehe.**

Ko e Matakau Green Climate Fund to fakaatā mai he tau mena ne kua fakatapu mo e fai puipuiaga ke he tau koloa he Matakau ka tamai ke he motu ke lata mo e tau gahua i Niue, po ke taatu ke he tau motu kehe, po ke tau tohi lolomi he Matakau ne tamai fakahako ke he motu, ka e to kitekite e Ikipule he Faahi Gahua Kasitamu ha ko e levekiaga he tau malolō tino he tau tagata he motu, mo e puipuiaga ke he tau gagao he tau manu mo e tau akau, po ke ha mena ni ka fakalekua e tau momoui he tau tagata he motu.

**10 Mailogaaga he Tonuhia he Matakau Green Climate Fund**

Ko e Matakau Green Climate Fund ke iloa mo e maama kua hā hā i ai e malolō katoatoa he Kautaha gahua pisinisi.

*Tau Tonuhia mo e tau Fakaatāaga ke tau Hukui mo e tau tagata gahua he Matakau Green Climate Fund*

**11 Tau Tonuhia mo e tau fakaatāaga fakamahino ni mae falu a tau Hukui mo e tau tagata gahua he Matakau Green Climate Fund**

(1) Koe maaga kupu nai to lauia ha tagata ne--

- (a) Kua kotofa mo Takitaki Gahua Ulu Fakatonu po ke ha Ulu Fakatonu he Matakau Green Climate Fund;
- (e) Taha hukui Tagata Gahua he Takitaki Gahua Ulu Fakatonu po ke Ulu Fakatonu he Matakau Green Climate Fund;
- (i) Taha ofisa gahua he Fale Green Climate Fund (ka e nakai ko e tagata gahua fekafeke he kaina nofo he Matakau); po ke
- (o) Taha tagata gahua kotofa pauaki ha ko e pulotu haana ke he taha matagahua he Matakau Green Climate Fund

(2) Ko e tau tagata kotofa oti ne fakakite he maaga kupu (1), ka e haia e malolō foki he Matakau Green Climate Fund ke taofi e atāina he falu agahala tokaunaka mo e puipuiaga mai he matafakatufono, to--

- (a) Fakahao mai he ha hokotaki mo e tauteaga he Fakafiliaga ka agahala po ke fai mena kua nakaila taute he magaaho ne taute ai haana fekafekeuaga he gahua; mo e

**Lā Fakatufono 2020 ma e Tau Tonuhia mo e tau Fakatāaga mae tau Hukui he Matakau Green Climate Fund kua gahua i Niue**


- (e) Fakaatā mai he totogi tukuhau mai he tau tupe haana ka moua, po ke haana totogi he kotofa po ke totogi lafi ki luga ke lata mo e fekafekauaga he haana kotofa

---

Fakamooli he Fono he tau Ikipule he poko Fono he tau Ikipule, Fale Fono, Alofi,

He aho 23 Tesemo 2020

**Fakamooli he Lilifu Dalton Tagelagi  
Palemia**



**Fakamooli foki e Charlene Funaki  
Tohi Kupu he Fono Ikipule**



---

Ko e tau lā Fakatufono nai to fakagahua ai he Ofisa he Tohi Kupu he Fakatufono

He aho 23 Tesemo 2020.